

contemnuunt, Illos etiam si sciant, qui indictum ieiunium negligunt. Hæc omnia dum Episcopus habet recitata, iuratores per iuramentum commoneat, cæteros vero omnes, nobiles & ignobiles, per bannum Christianitatis constringat, vt supradictas res minime cælent, ac si in die iudicij ante tribunal domini nostri Iesu Christi rei occultatione præfatarum rerum nephandarum inueniantur. Hoc enim indicet & per bannum contestetur, vt nemo per vllius timorem aut fauorem vel etiam amicitiam, præfata reticeat, veraciter scita. Neque per odium, neque per inimicitiam vllam quicquam alicui irroget, quod veraciter non possit probare. Horum aliqua si antea in præsentia Episcopi allata essent, eiusq; iudicio terminata, & postea iterata, comperta fuerint, veluti in initio referantur, & episcopali decreto constituantur.

Abusus in synodorum Archidiaconalium ac ruralium obseruatione. Cap. XXII.

Præscripta quidem formula, quam antiquitatis causa retulimus, successu temporis in abusum, quod negare nõ possumus, deducta est, quod non fidelissimi quicq; sed leues delatores, non qui veraciter sciant, aut serio audiuerint, idq; a probatis, neque vno tantum, sed pluribus, hisq; fidedignis, minimeq; maleuolis, sed frequentius absque omni delectu vel leues ac futiles vel inuidi vel rapaces, calumniatores, delationi comperiantur asciti. Quodq; pro manifestis criminibus non canonicæ pœnitentiæ, sed pecuniariæ potissimum multæ a delinquentibus fuerint exactæ, permittis interim delinquentibus haud præter graue populi offendiculum, in publica scelerum infamia perseuerare.

Inter visitandum abusus corrigendi. Cap. XXIII.

Quæ omnia magna correctione indigent, quam volente ac adiuvante deo, inter visitandum adhibebimus, nimirum curaturi, vt viris exploratæ virtutis tantum hoc officij delegetur.

Procuracionem, suo officio recte fungentibus pendi, æquum esse. Cap. XXIII.

K

His au